

مشتاق

صراط

۱۳۲۶

مطبعه و محل اداره :

جفال اوغلنده امنیت
صندوغی جوارنده
شنکول یقوشنده
۲۷ نومرو

اظهار :

مسلكمزه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسلامیه دینیه و ابرو و هفتده بر نشر اولنور .

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تاسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتیجی جلد

۴ جمادی الآخره پنجشنبه ۱۹ مایس ۳۲۷

عدد : ۱۴۳

مؤسسه‌ها شکل ایدیور . لاکین بزه غریب کورون بو مؤسسه‌ها ، امین اوله‌لم که ؛ ینه فنه ، مدنیته خدمتی اساس اتخاذا ایتشلردر .

خلاصه مقصد و مطلبمز ، بزدهده بر [مفاخر ملیه جمعیتی] تشکیلد . بو بابدیکی همتی ایسه اک زیاده تاریخ انجمنندن ، ترک درنکندن ، اتحاد و ترقی جمعیت محترمه سیله موزله مدیریتی وسائر علاقه دار اولان مؤسسات منتسببندن بکله رز .

اعیاد ملیه کونلری ، قونفرملر عقصدی ، رساله‌ها نشری ، قونفره‌انسلا ، قوشولر ترتیبی ، سیاحت و زیارتلر اجرایی ، او کونه عائد وقایع تاریخیه‌نک تیارولرده تمثیلی کبی وساططه مفاخر ملیه‌یه متعلق نگاه تاریخیه‌نک افکار عوامه قدر تلقینی فائده بخش اوله جفتندن بویله بربروغرامک تعقیبی لازمدر .

قویاً ادعا ایدرزکه ، مردمکریز ، وحدت کزین اولمق دائما ضرر . اجتماع و مشارکت هر وقت فائده‌تولید ایدر . مناقب اجدادی افسانه‌ها صورتنده دیکله‌مک بزلی شهره ترقی‌یه کوتوره‌جکته ، خطوات رجعت تشویق ایدر . کورمک ایشتمک . نه مکلمک اوطورمغه هر حالده مرجحدر .

قواله - ۵ مایس ۱۳۲۷ -

مظفر صالحی

امل بولنده ..

هرکس خاطرلار : بوندن اوچ سنه اول ، ۱۰ تموزده ، عثمانلی ملتی آرتق حد بلوغه ایردیکی ، آرتق ولی روصیه‌یه ، هاله صرف کندی منفعتلرینه خادم ، کیف و هوسلرینه تابع ، ظلم و استبداده مائل ولی و وصیلره محتاج اولمادیغنی اوقدر کور سسله ، اوقدر قطعی باغردی که ولی و صیلک کسوه‌سنه صاقلانوب ، ملتک ایلکینی امدنلر ، قاننی قورونانلر ، بر آن بیله یرلرنده قالامادیلر ؛ هان ، کیمی قاجارق قورتولمه‌یه ، کیمی هر صورتله خدمت و صداقتی اثبات ایله عفو اولونمه‌یه چالیشدی . ۱۰ تموز ، عثمانی ملتک سن رشده واصل اولدینی نومبارک کون ، او ملتک کچمش حیساتده یازلاق بر امل ایدی . ملت بر چوق قراکلق سنلر ، او آیدنلق کونه طوغری ، ایلرولیوردی ، امل بولنده « یورییوردی ...

لکن بوا مل یولی ، چالیرله ، دیکنلرله ، حتی یار و اوچوروملرله کسلمشدی : نور ایچنده پارلایان تمثال امله ، او لطیف قیزه ایرشمک ایچون ، اسیکی ایران مثاللرینک قهرمانلری کبی پیلا و چیلانلرک زهرلرندن ، اژدرلرک آتش صاچان آغزلرندن ، دیولرک قورقنج طیرناقلی نیچهلرندن قورتولمق لازمدی ..

هیچ‌شبهه یوق که ملتک بوتون افرادی ، امل بولنده یورو یورلردی ؛ لکن ملتک فضائل و محاسنی تمثیل ایدن کنجلر ، بوحقیقی قهرمانلر ، امل بولنک کوزه چاربان یولچیلری ایدی .

بو کنج قهرمانلرک بر خیللی « امل بولنده » اوچوروملره یوارلانیدیلر ، اوراده قراکقلر ایچنده یانان قیزیل اژدرلرک ، دیولرک دیشلرینه لوقه اولدیلر ؛ بعضلری یالکزچالی و دیکن یارمه‌سیله قورتیلارلق

یوللرینه دوام ایده یلدیلر و نهایت امله‌نک ، نور ایچنده پارلایان اوکوزل قیزه قاووشدیلر . .

امل بولنک ، شمدی‌یه قدر برسیاحتنامه‌سی یازیلاماشدی . بو هفته چیقان نفیس بر کتاب ، اوا کسیکلیکی قسماً طولیدردی . . امل بولنده . . « محرری بویوک قارده‌شم علی فخری بک ، او بولک ، هیچ یورولمق بیلمز بریولجیسی ایدی . برمدت برابر جهده یولداشلق ایتشدک . بکا و یردیکی کتابنده : اکر ماضیکک برقاچ طاتلی ساعتی یاشایه بیلمزسه‌ک بختیارم » دیور . عزیزم علی فخری ، بن او کتابده ماضینک برقاچ طاتلی ساعتی دکل . برقاچ طاتلی و آجی‌سنه سنی یاشادم ، یاشایه بیلدم . . و امینم که « امل بولنده . . » بی او قویان هرکس ، بر آووج کنجک ، استابول مکتبلرندن ، طاش قیشله ، ضبطیه و ترسانه زندانلرینه ، اورادن طرابلس غرب قلعه‌لرینه ، فیزان چوللرینه ، ناصل سورولدیکنی صحیح کورمک ، اونلرک طویغوسنی طویاجق ، بر قاچ سنه ، اونلرله برلکده یاشایه‌جق ، حاصلی امل بولنک بوتون عذابلرینه رغماً لذتی اولان یولچیلنی ایده‌جک و بونکچون سکا متشکر قالاچقدر . .

علی فخری بک اثرینک بر وثیقه تاریخیه اولمندن زیاده لذتله اوقونور بر سیاحتنامه ، حتی ادبی بر حکایه اول سنه چالیشمشدر . اثرنده خیل موفقیته رسم اولمش لوحه‌لره ، اپی اینجه‌لکله تحلیل ایدیلمش حسیاته راست کلنیر . فخری بکک ، آره صره شاعرلیکی واعظلیکی ، اخلاق معلملیکی غلبه چالمش اولماسه ایدی ، بو تحلیللر ، بو لوحه‌لرده ، قیمتدار و نائق تاریخیه‌دن صایبله بیلوردی . . لکن علی فخری بک استیورکه امل یولی یولچیلری ، بشریته خاص نقایصدن ، اولدیغندن زیاده معرا کورونسوزلر : اونلرک حیاتی بر چوق وطنداشیلرینه مثال و عبرت اولسون ... ایشته بو ارزو ، اخلاق ماملکی اینک ارزوسنی ، امل بولنک . . بعض قوبتو کوشه‌لرینی کوسترمکدن ، مؤلفنی منع ایتشمشدر . بونکله برابر ، قانم که « امل بولنده . . » کنج تورکلرک دور سابقده‌کی حیاتی مصور اوله‌رق بو کونه قدر یازیلمش کنا بلرک وقایعنی حقایقه اک زیاده یاقلاشدیرانیدر . یولداشمی موفقیته تبریک ایدرم ؛ سوزیمه اینانان قارده‌لریمده « امل بولنده . . » بی اوقومه‌لرینی توصیه ایدرم .

امل بولنده یولچیلرندن بری



مکاتیب

طوکیو

ژاپونیا مجلسی مبعوثاننده ...

ژاپونیا مجلسی مبعوثانندن بحث ایدیلنجه احتمالکه بتون وطنداشلرم محشم و مزین بر بناده یاخود سرایده بولنه جقلرینی ظن ایدرلر . بنده ابتدای امرده بویله بر فکره ذاهب اولمش و مشاهداتی اولصورته

قیده حاضر گشت ایدم . فقط بنایه تقریبه رفیقم ژاپونک کوستردیکی طرفه باقدیغمده بردنبره متحیر اولدم . حتی رفیقمه احتمالکه آلدای - نیورسکیز دیمک درجه لرینه واردم . اوت ، بتون ظن و تخمینمک خارجنده غایت ساده و بسیط بر بنا قارشوسنده بولنیوردم . خارجدن توکیوده بولنان مبانی سائردهن فرقی یالکیز بر آز کنیش اولسندن وقبونک اوکنده تربیه لی و تمیز کینمش بولیس مأمور لرینک نوبت بکله مسندن عبارت . بنا ساده لک و نظافت ایچنده . بنایه داخل اولدیغمزده مأمور مخصوصنک بر نزاکت فوق العاده ایله آفاق قابلیتمزله چیقارلمسی اخطارینه تبعیتیه فوظینلرمزی چیقاروب ژاپونلرک غایت خفیف و ظریف حصیر ترلیکلرینی آیاغمزده طاقه رق مأمور دلالتیه خاندان ایمپراطوری اعضاسنه مخصوص لوجهنک یاننده کی بولمهلردن برینه داخل اولدم .

مبعوثان آنفی ته آتر طرزنده اوچر کشیک صهرلرده اخذ و موقع ایتشمار . وکلا موقعنده باش وکیل بارون قاتسورا ، خارجیه ناظری ، معارف نظارتی معاونی اخذ موقع ایتشوردی .

اوکونکی مذاکرات میاننده خارجیه نظارتی استیضاحی و قطب جنوبی هیئت کشفیه سنه تخصیصات اعطاسی مسائلی موضوع بحث اولدیغندن پک چوق خلق طویلانش ایدی .

اطرافه عطف ایدیلر جک ایلاک نظرده بورانک مجلس مبعوثان اولدیغنه انسانک اینانیمه جنی کلیور . چونکه مبعوث موقعنده باشی آحیق ، کوکی آحیق ، آیاغنده ژاپون ترلیکی ، صرتنده کیمونو تعبیر اولنان ژاپون الیمسی بولنان بر طاقم ذوات طویلانشمار . کافه سی ساکت ، متواضع فقط ایجابنده فدا کار برمدافع . طوغریسی ترقیات ماده و معنویه سیله حیرت و تقدیر عالمی جالب بر ملتک ، کندیسینک بر قاق مثلی قوتی حائز بولنان دشمنی صرف ملیت و وطن پرورلک حسیاتنه تابع اوله رق مغلوب ایدن ژاپون قومنک مجلس مبعوثانی بواولدیغنه انسان حیرت ایدیور .

هر طرفده مشهود اولان احوال ژاپون ملتک و یاخود حکومتک مبعوثانه اهمیت ویرمه دیکی ده بانی ویره جک بر درجه ددر . فقط یوزهابک تقدیر یا کلش اولدیغی و حکومتک تکلیفنه فصل بر جواب ویرلدیکی آتیده ذکر ایده جکم بر مثال ایله توضیح ایدیور .

مجلسه مواصلتمزده خارجیه ناظری قومورا جنابلری ، قوجه روسیه حکومتک باش وکیلی قونت ویتیه مغلوب ایدن کوچک بویلی فقط پک بیوک فکری ژاپون ناظری استیضاحه جواب ویریوردی . کوزلری دائما بر نقطه یه معطوف اوله رق سوز سویلین بوذات ترجانک افاده سنه نظراً یالکیز کافی جوابلر اعطاسیه اکتفا ایدیور ، ده طوغریسی نک بیوک و یوکسک دوشونن بوناظر سوز سر یلمکده اولقدر ماهر دکل . ذاتاً عموم ژاپونلر اقتضاسندن فضله سوز سویلمزلر . خارجیه ناظرینک ساکتانه ویردیکی ایضاحات کمال دقتله دیکله نیور و مبعوثان صالوننده هیچ بر فرد یوقش کی بر سکوت حکمران اولیوردی . ایضاحاتک ختامنده پک شدتلی کورولتیلره انتظار ایدیوردم حالبوکه یالکیز بر طاقم مبعوثانک مرقع خطابه چیقه رق ساعتلرجه

سوز سویلملری ایله ایشه ختام ویرلدی . بو ، مسئله یه اهمیت ویرلدی - یکنندن دکل بالعکس تربیه اجتماعیه نک مکملیتندن متولد بر حال ایدی . شمدی صره شایان حیرت اولان مبعوثانک سوزینه کلیور . بر قاق مبعوثک ساعتلرجه دوام ایدن نطقندن صکره اعمی بر مبعوث موقع خطابه چیقدی مراق ایله ساعته باقدم بر ساعتدن فضله سوز سویلدی . سویلر ایکن آلدیغی اطوارندن و ترجانمزلر افاده سنندن بو نعمت بصردن محروم مبعوثک بتون افاداتی قواعد فذیه و علمیه یه استناد ایتدیره نک سویلدیکی آ کلاشلدی . نهودت ژاپونیا ده براعمی بیله قواعد علمیه و فیه یه واقفدر . چونکه مؤسسات علمیه سی مبذول .

بوندن صکره موضوع بحث اولان مسئله ژاپون قطب جنوبی جمعیتک ملازم س - یروزانک ریاستنده کوندردیکی هیئت کشفیه یه تخصیصات اعطاسی خصوصی ایدی . ایشه بو مسئله موضوع بحث ایدلدیکی آنده پک چوق مبعوثانک سوز ایستریکی و بویا علمیه ، فنی بر مسئله یی شدتله مدافعه یه حاضر لاندیغی کورولیور ایدی . تخصیصات اعطاسی اساس اعتباریه قبول ایدلدیکندن مناقشه یالکیز مقداری حقنده جریان ایدیوردی . نتیجه ده کورلتی باطردی ، حتی بر برینی تحقیر کی بر درجه یه کلیور ، هر کس خصمنی قواعد علمیه و فیه دائره سننده لزامه اوغراشیور . و حقیقت اولنجه مخالف بیله اولسه قبولده تردد ایتیور . خلاصه بر هیئت علمیه نک مدافعه سنه معطوف اولان ، عصیتله تزه یین صدار بتون بنانی صارصیوردی . نهایت کرسی خطابه کچن ایکنجی بر اعمی مبعوثک شو : ژاپونلرک بر کون قطب جنوبی بی تماماً کشف ایتدکلرینی ایشتمک ایسترم . صورتنده کی افاده سی آلفش طوفانلرینه غرق ایدلدی . بتون بو مشاهداتم ژاپونیا مجلس مبعوثانک بر مدافع قوی اولدیغی کوستردی . مسئله اهمیتله تاقی ایدلدیکندن مذاکره یوم آخره تعلیق ایدیلرک مجلسه ختام ویرلدی .

بو زیارت ن بالاستفاده ناسیونالیستلردن مبعوث ساساکی جنابلریله ملاقات ایتدم و بومسئله حقنده کی فکرلرینی صوردم . جواباً « تخصیصات اعطاسی خصوص سننده عموم مبعوثلر متحددر ؛ اختلاف یالکیز مقداره رنده در . ژاپون مبعوثلری علم و فن نامنه وقوعه کله جک بتون تشبثاتک حامیسی اوله جق و بتون موافقی رفع ایتمکده مبعوثلر یکو وجود اوله رق چالیشه جقلردر . ملت وکیلی اولمق طولایسیله عکسی صورته حرکت بزم ایچون ممکن دکلدر . دوره انتخابیه مزک ختامنده ملته حساب ویره جکم زمان اولنره قارشو ایضا ایتدیکمز خدمات نافع ایله مجهز اوله رق چیقمق ایسترز . » دیدی ؛ ژاپونیا حیرت و تقدیر عالمی جلب ایتش مترقی بر مملکت اولدیغی حالده نیچون مبعوثانه مکمل بر بنا انشا ایتیور یولنده کی سؤاله کولهرک شویله جواب ویردی :

« کوکون ملتتمز مطلوب اولان درجه رفاه و سعاده نائل اولمامشدر . مادامکه بز مانی تمثیل ایدیورز ؛ اونک درجه رفاهیتی ایله متناسب بر بناده بولنلی یز . بزجه ظواهرک اهمیت یوقدر . دائره نک مکلف و مزین اولسی ایله عادی بر قلبه دن عبارت اولسی آره سننده برفرق یوقدر اصل

واجب و کندوسنک تعزير شديد ايله تعزير ايدلمسى لازم و فعل مذکورده طرفيندن قتل وقوع بولسه بيسله ارتکابلرندن ناشى بو مقوله اشخاصه اتم ترتب ايلمکه شدتله تعزير اولملى و بوقيل دينا و شرعاً اجراسى تجويز ايدلمه ين رفعلک حکومت سنيه جه منع اولمى مقتضى ايدوکی افاده و درکنار ايدلمش اولديغندن بر موجب درکنار فعل مذکورک منع ايدلمسى حقهده داخله نظارت جليله سنيه تذکره عليه مشيختنه تهاى تسطير بيورلمشدر .

اسلام دارالفنونی . — شامده منتشر المقتبس غزه سنک بياننه کوره شهر مذکورده بر اسلام دارالفنونی تأسيسنه تشيبت ايدلمش و شمدى به قدر آلتى بوزليرا قدرعانه درج اولمشدر . اعاناکمقدارى درجه کفایه به بالغ اولنجه دارالفنونیك تأسيسنه مباشرت ايديله جکدر .

چين

استبداد و اجانب عليه غلبه . — چين اختلالجلىرى ، کنديلرينه دستورالحركات اوله رق شواساسلى قبول ايتمشدر : « مانجو سلاله » حکمداريسنک اسقاطى . اسيا ، آسياليلر ايچوندر . ژاپونيا ايله دوستلق « اختلالجلىرك غايه املی ، ژاپونيا باشده اولمق اوزره ، بوتون اسيا دولتلىرىك هيات متفقه سنى وجوده کتير مکدر . . .

آسيای و - طى فلاکتزدکانى

اعانه دفتري

صراط مستقيم جريدۀ اسلاميه سنه

محترم افندم

ترکستان فلاکتزدکاننک تهوين احتياجاته مدار اولمق اوزره کچن کون بلوکمرك اجرا قلنان انداختى ائناسنده برفشنک موقع مزايديه وضع اوله رق يوز التمش سکر غروش اوتوز پارميه عهده عاجزیده تقرر ايدهرک مبلغ منبور نوره قوب پوسته خانه سنيه توديعاً مدیریت محترمه کزه ارسال قلنمش اولديغندن محله ارسه الى تمنياتيله تقديم احترامات اولنور افندم .

نوره قوب: الاى ۴ ط ۲ ک ۳ مانعه ۳ ده

قواله افراد احتياطييه سندن

زيغوش قريه لى

مؤمن ماسه ارغلى : مؤمن

مدير مسئول : اشرف ارب

صراط مستقيم مطبعه سى

مسئله توديع اولنان وکالتى لايقيه ايتمک و حقوق ملتى صنايع ايتمکدر . برقاج سنه مقدم حکومت مز بوباده مليونلر تخصیص ايلمش ايدى . فقط بو مبلغک ملتک ترقيسنى و وطنک مدافعه سنى تأمين ايدهرک امور مهمه ايچون صرف ايدلمسى مبعوثان اتفاق آرا ايله قبول وشيمدیلک حکومتک بو تکليفى رد ايدلمشدر . اوت بز مکلف و مزین سرايلرده اوطوره بيلورز لکن ماتمرك بر قسمى پک بيوک بر مضایقه ده ايکن بوزم ايچون بر وجدان عذابى اولور . ملت مبعوثان بناسى پايه جقدر فقط بو ، کنديسنک رفاه وسعادت مطلوبه ينى بولسنه متوقفدر . »

ايسته عادى کورين و اوستنده مى الييسه سندن ماعدا برشى بولنيان بر ژاپون مبعوثنک افاده سى .

بوسوزلى بالخاصه محترم مبعوثلر يمزک نظر دقتنه عرض ايدرم .

مشروطيت اداره به هنوز مظهر اولان ملت عثمانيه نك وکيللىرى بولنان ذوات کرامک بتون حرکاتى ک اوافق تقرعانه وارنجه به قدر يالکيز موکللىرى دکل بتون عالم اسلام وحقى بتون جهان تدقيق وتعقيب ايتمکدر .

استانبولده ، مجلس مبعوثانده جريان ايدن بر وقعه ايرتسى کونى طوکيو ده منتشر انکليزجه غزه لره انتقال ايدىيور . مشروطيت اداره نردن ممنون اولميان حکومتک بالالتزام بوکى وقايه دهانه قدر يالانلر علاوه ايدميه جکلىرى و بو صورتله اداره عثمانيه ينى لکملکه چاليشه جقلىرى ده نظر دقتدن دور طوتماملى درلر .

نوکیورده نصيبده بولنان

حسن فهمى

شون

درئله هقنده . — استانبول مبعوثى حسين جاهد بك ايله پرشنته مبعوثى حسن بك بيننده متصور اولدينى اوراق حوادنده مطالعه اولنان دوئللو حقهدهكى ممنوعيت شرعيه نك و ايقاعى حالنده شرعاً ياپلمسى مقتضى معامله نك نه دن عبارت بولنديغنک سريعا بياننه دائر شوراي علميه دن يازيلان مذکره فتواخانه يه لى الحواله ، دوئللو نك هر برى ديكرک اجرا ايلديكى فمlden طولايى مسئول اولماق و طرفين يکديکره دمنى اباحه ايلمک اوزره شخصين بيننده اجرا قلنان مقاتله دن عبارت اولدينى جريان حال و سؤال واقعدن منقهم اولمغه شريعت غراى احمديه ده اشبو فمלק اجراسى غير جائز اولدينى کى نفسده اباحه جارى اولمدينى و شبهه اذن ايله قصاص ساقط اوله جنى جهته فعل مذکورده صوکره جى قالان کيمسه يه مالندن ديت اعطاسى